



四庫禁燬書叢刊編纂委員會

北京出版社

四庫禁燬書叢刊

補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編. —北京:北京出版社,2005

ISBN 7-200-06020-8

I. 四… II. 四… III. 叢書—中國—古代  
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 七八七×一〇九二毫米 1/16

印張: 四〇〇八·七五印張

二〇〇五年八月第一版第一次印刷

印數: 一一三〇〇套

書號: ISBN 7-200-06020-8 / K·655

定價: 人民幣伍萬肆仟圓

ISBN 7-200-06020-8



9 797200 060200

# 補編第一二冊目次

皇明紀要八卷  
〔明〕陳建撰  
明崇禎書林王渭刻本

..... 一

新鐫李卓吾先生增補批點皇明正續合併通紀統宗十二卷  
〔明〕陳建撰 袁黃 卜大有補  
明末刻本

..... 三〇五

皇明通紀前編二十七卷續編十八卷(一)  
〔明〕陳建輯 董其昌訂  
明崇禎十一年刻本

..... 五二九

皇明紀要八卷

〔明〕陳建撰

明崇禎書林王渭刻本

上海圖書館藏

皇明昭代目錄

卷一

太祖高皇帝

諱元章戊申洪武三十年文冢孫  
建文五年靖難之後併入洪武共  
三十五年五月初十日崩  
孝陵在南都

卷二

太祖

卷三

太祖

卷四

成祖文皇帝

諱棣癸未永樂二十二年七月十  
八日崩長陵以後俱在北都

仁宗昭皇帝

諱高熾乙巳洪熙一年五月十二  
日崩獻陵

卷五

宣宗章皇帝

諱瞻琪丙午宣德十年正月初三  
日崩景陵

英宗睿皇帝

諱祈鎮丙辰正統十四年

恭仁康定景皇帝

諱祈鈺庚午景泰七年二月  
十九日崩金山

英宗復位

丁丑天順八年正月十七日崩  
裕陵

卷六

憲宗純皇帝

諱見濡乙酉成化二十三年八月  
二十二日崩茂陵

孝宗敬皇帝

諱祐宗戊申弘治十八年五月初  
七日崩泰陵

武宗毅皇帝

諱厚照丙寅正德十六年三月十  
四日崩康陵

卷七

世宗肅皇帝

諱厚熹壬午嘉靖四十五年十二  
月十四日崩永陵

穆宗莊皇帝

諱載至丁卯隆慶六年五月二十  
六日崩昭陵

卷八

神宗顯皇帝

諱翊鈞癸酉萬曆四十八年

光宗貞皇帝

諱常洛庚申泰昌元年

熹宗哲皇帝

諱由校辛酉天啓七年

皇上下

諱由檢戊辰崇禎萬萬年

昭代目錄 終

皇明紀要卷之一

東莞陳建輯著

真州李春涪

參訂

古信王鼎宗

書林王渭督梓

太祖高皇帝一

戊申大明洪武元年正月四日乙亥

太祖親為文祭告

天地於南郊禮成。

地祭告天

皇明紀要卷之一

太祖即皇帝位於郊壇南。定有天下之號曰大

明建元洪武。追尊四代

祖考妣皆為帝后。先是

太祖祝天曰。如臣可為生民主。伏望帝祇來臨

天。朗氣清。惠風和暢。如臣不可。至日當降烈風

異景。使臣知之。京師自舊臘以來。雨雪連晝。

城市陰晦。及祭告即位。

天宇澄清。風和景霽。香霧瑞蕩。甘露景星。此

天開景運之徵

立馬氏為皇后

天開景運之徵也。

立妃馬氏為皇后。立世子標為皇太子。

子初。

太祖率師渡江。后亦帥將士妻妾繼至。太平。

及居建康。與吳漢戰無虛日。親率妾媵完輯

衣。鞬助結將士。夜分不寐。常助

太祖規畫。動合事機。

太祖嘗焚香祝

皇明紀要卷之一

天願天命早有所付。毋苦天下生民。后謂

太祖曰。方今豪傑並爭。雖未知

天命所歸。以妾觀之。惟以不殺人為本。顛者扶

之。危者救之。收集人心。撫安蒼赤。人心所歸

即

天命所在。彼縱殺掠以失人心。

天命所惡。雖其身亦難保也。

太祖曰。爾言深合。我意至是。冊立為皇后。

人心所歸即天命所

豆粥  
飯尤  
甚

宗良妻  
神國良  
相

太祖謂侍臣曰。昔光武勞馮異曰。倉卒蕪蕪亭。豆粥滹沱河。麥飯厚意久不報。君臣之間。始終兩全。朕念皇后起布衣。時同甘苦。嘗從朕在軍。倉卒自忍饑餓。懷糗餌食朕。比之豆粥麥飯。其困尤甚。昔唐太宗長孫皇后。當隱太子構隙之際。內能盡孝。謹承諸妃。消釋嫌疑。朕素為郭氏所疑。徑情不恤。將士或以服用為獻。后先獻郭氏慰悅其意。及欲為朕

皇明紀要卷之一

三

后。輒為寬縱。卒免於患。殆尤難於長孫皇后者。朕或因服御。詰怒小過。輒謂朕曰。王忘昔日之貧賤耶。朕為惕然。家之良妻。猶國之良相。豈忍忘之。罷朝。因以語后。后云。妾聞夫婦相保。易君臣相保難。且妾安敢比長孫皇后。但願

陛下以堯舜為法耳。

陳東亮曰。我

高皇后之德無異于任。似其以忘貧賤相賜。以

高皇后  
亦得諫  
諫之軀

厚禮  
傳講習  
經傳

樂在  
才立國  
之本

君臣夫婦相保難。易致傲。尤深得諷諫之體。以李善長為中書左丞相。章濫為御史中丞。辛巳以李善長等兼東宮官。先是劉基陶安言于太祖曰。適聞中書及都督府議。倣元舊制。設中書令。欲奏以太子為之。太祖曰。取法於古。必擇其善者從之。元氏胡人事。不師古。設官不以任賢。惟其類是與。豈可

皇明紀要卷之一

四

取法。且吾子年未長。學問未充。更事未多。所宜尊禮師傅。講習經傳。博通古今。識達機務。他日軍國重事。皆令啟聞。何必效彼作中書令乎。乃命詹同取東宮制觀之。謂同等曰。朕今立東宮官。取廷臣勳德老成者兼其職。老成舊人。動有典則。若新進之賢。亦選擇參用。夫舉賢任才。立國之本。崇德尚齒。尊賢之道。輔導得賢。使各盡其職。是故連抱之本。必以

授良匠萬金之璧。不以付拙工。於是李善長為太子少師兼詹事。馮勝兼副詹事。楊憲兼府丞。徐達兼太子少傅。常遇春兼太子大保。鄧愈湯和兼太子諭德。章溢兼太子贊善大夫。劉基兼太子率更令。

太祖諭李善長等曰。朕於東宮。不別設府僚。而以卿等兼之者。蓋軍旅未息。朕若有事于外。必留太子監國。若設府僚。卿等在內。事當啟

皇明紀要卷之一

五

聞。太子或有聽斷不明。而與卿等意見不合。卿等必謂府僚導之嫌疑。由是而生。朕所以特置賓客諭德等官。以輔成太子德性。且妙選名儒為之賓友。昔周公教成王。告以克詰。戎兵。名公告康王。告以張皇六師。此皆居安慮危。不忘武備。蓋繼世之君。生長富貴。昵於安逸。軍旅之事。多忽而不務。一有緩急。罔知所措。二公之言。不可忘也。

二公之言不可忘

秘選名儒為賓友

受祀典

命李善長酌典

勅陶安李善長等曰。自古聖帝明王。有天下。莫不嚴於祭祀。以交於神明。朕誕膺

天命。統一海宇。首建郊社宗廟。以崇祀事。顧草創之初。典禮未備。將何以交神明而致靈貺。卿等其酌古今之宜。務在適中。定議

上聞。於是善長等奏有國大祀曰圓丘。曰方澤。曰宗廟。曰社稷。各具沿革以進。

中書省御史臺臣。進所脩大明令。命頒行

皇明紀要卷之一

六

天下諭之曰。律令者。治天下之法也。令以教之于先。律以齊之于後。書曰。刑之于無刑。于下果能遵令而不犯。于律刑措。斯亦不難。故命頒行四友。惟爾臣庶。體予至懷。定衛所官軍。及定將帥將兵之法。其法自京師達於郡縣。皆立衛所。大率以五千六百人為一衛。一千一百二十人為一所。一百一十人為百戶所。每百戶所設總旗二名。小旗

定將帥將兵之法

陰曆  
折之象

天文  
者稱  
陰曆

開子  
大年  
之瑞

十名管領鈐束。通以指揮使等管領之。大小相聯以成隊伍。有事征伐。則詔總兵官佩將印領之。既旋則工所佩將印於朝。官軍各回本衙。大將身還第。權皆出於朝廷。不敢有所擅調。自是征伐率以為常。

彗星見于昴畢之間。三月又出于昴北。是歲元古

丘瘠曰史綱終于彗。見于昴。何以天道終也。終于天道。何。彗胡星也。彗除舊布新之象也。唐李淳風作晉天文志。成帝咸和七年十二月。彗惑守昴。八年七月。彗入昴。古曰胡王。

皇明紀要卷之一

七

死是月石勒果死。九年八月彗。又犯昴。十一月石虎廢石弘。幽殺之。淳風曰。是時雖二石倍號。而其強弱常占于昴。不關太微紫宮也。是時精于天文者。首稱淳風其言如此。則昴為胡星明矣。言強弱不關太微紫宮。則胡人雖入中國。儲大號。不得當正統。又明矣。嗚呼。天人之際。淵乎微哉。  
聖祖以正月即皇帝位。復中國之統。彗星即見于昴畢之間。三月又出于昴北。七月而无亡。除腥羶之舊。布文明之新化。以開千萬年太平之瑞也。

胡廷瑞等兵至建寧。元守將回僉達里麻。參政陳子琦謀固守不戰。以老我師備禦甚堅。

我師圍之。數與挑戰不出。廷瑞督兵環其四門。攻之益急。敵不能支。達里麻夜潛詣營。納款。詰旦總管翟也先不花亦率眾出降。廷瑞整兵入城。械陳子琦送京師。

湯和廖永忠等進兵取延平。先遣人招撫元平章陳友定。不從。遂進至延平。隔水而陣。分一軍渡水。攻其西門。友定見兵氣勇銳。不敢爭鋒。但嚴兵固守。令軍士巡城。晝夜不息。諸

皇明紀要卷之一

八

將請戰。友定不許。數請不已。友定疑其有攜二心。殺其將蕭院判。士卒多踰城夜遁。我師遂併力攻城。友定見勢蹙。乃退于省堂。仰藥飲之。參政文珠海牙等開門出降。我師入城。友定復甦。遂械送京師。

楊璟等進兵攻永州。元守將右丞邵祖勝求救于守全州平章阿思蘭。遣兵來援。我師逆擊敗之。遂進逼其城。祖勝出兵南門拒戰。又

以之。獲其將王鑑。祖勝收兵入城固守。我師圍之。元兵復自廣西來援。駐東鄉。倚湘水列七營。軍勢甚盛。璟遣指揮袁子明擊之。元兵大敗。獲其萬戶丁武等千餘人。璟復遣千戶王廷將兵取寶慶。先是王師已克寶慶。既而復為元將周文貴所阻。至是廷進兵茱萸灘。賊眾據險臨敵。廷擊敗之。文貴遁去。遂下其城。

皇明紀要卷之一

九

胡廷瑞等兵進克興化。遣建陽徐四、曹俊疇招諭汀州寧化連城等縣。元汀州路守將陳國珍納欵。於是泉州漳州潮州郡縣相繼降附。福建悉平。

王者之師順天應人

太祖命平章廖永忠為征南將軍。叅政朱亮祖為副。率師由海道取廣東。勅諭永忠等曰。王者之師。順天應人。所以除暴亂。解倒懸。以

師出以律

慎勿阻向化之心

州郡可傳檄而定

慰民望。朕平定武昌荆湘諸郡。皆望風降附。常遇春克贛州南安嶺南數郡。亦相繼來歸。此無他。師出以律。人心悅服故也。今兩廣之地。遠在南方。彼此割據。民困久矣。定亂安民。正在今日。彼聞七閩不守。湖湘已平。中心震懾。無固守之志。若此。遣人宣布威德。以招徠之。必有歸欵迎降者。可不勞師旅而定。慎勿殺戮阻向化之心。如其拒命。舉兵據其險要。

皇明紀要卷之一

十

絕其聲援。未有不降者。且廣東要地。惟在廣州。廣州既下。則循海州郡。可傳檄而定。海北以次招徠。苗兵鎮守。仍與平章楊璟合兵取廣西。用師方略。率用此道。肅清南服。在此一舉。

又勅贛州衛指揮使陸仲亨。率本衛及南雄韶州等鎮軍馬。會廖永忠等征廣東。諭之曰。近命平章楊璟等由湖廣取廣西。平樂廖

先聲勢  
如破竹

詔以太

牢祀先

師孔子

仲尼之

道廣大

悠久

仲尼道

與天地

相並

明教化

以先行

聖之道

將制兵在

永忠等由福建取廣東。今特命爾率軍由韶州直擣德慶。三方進師為犄角之勢。舉無不克。廣東既下。合兵以取廣西。先聲既震。勢如破竹。但撫輯生民。無縱暴掠。

詔以太牢祀先師孔子于國學。仍遣使詣曲阜致祭。諭之曰。仲尼之道。廣大悠久。與天地相並。故後世有天下者。莫不致敬盡禮。修其祀事。朕今為天下主。期在明教化以行先聖

皇明紀要卷之一

十一

之道。今既釋奠國學。仍遣爾修祀事于闕里。爾其敬之。

徐達等兵取東昌路。斬其守將由榮。王元輔。進克棣州。攻安樂。元守將俞勝遁去。其郎中張仲毅出降。

三月以劉基為御史中丞。兼太子贊善大夫。太祖御奉天門。與劉基論用兵。謂基曰。克敵在兵。而制兵在將。兵無節制。則將不任。將非其

勢不  
如良將

人則兵必敗。是以兩軍之間。決死生。成敗之

際。有精兵。不如良將。基對曰。臣蒙

聖上厚恩。得侍左右。每觀妙算。初謂未必皆然。

及至摧鋒破敵。動若神明。臣由是知任將在

上。將之勝。不若王之勝也。然臣觀

陛下。常不拘古法而勝。此尤所難也。

太祖曰。戰者。謀也。因敵制勝。豈必泥於古哉。朕

嘗親矢石。觀戰陣之事。闔闢奇正。頃刻變化。

皇明紀要卷之一

十一

猶風雲之無常勢。要在通其變耳。有何暇論

古法耶。

陳州守將左君弼降。先是君弼自廬州走安

豐。安豐破。復走汴梁。元將李克彛使守陳州。

太祖遣使陳河。以書諭君弼曰。曩者兵連禍結。

非一人之失。予勞師暑月。與足下從事。足下

乃舍其親。而奔異國。是輕信羣下之言。以至

於此。雖悔何及。今足下奉異國之命。禦彼邊

六連禍  
始非一  
人之失

彙錄乘時以就功名

疆與子接壤。若欲獻計。帥師復境。其中輕重。自可量也。且子之國乃足下父母之國。合肥之城。乃足下丘壠桑梓之鄉。寧不思乎。天下兵興。豪傑並起。豈惟乘時以就功名。亦欲保全父母妻子於亂世。足下以身為質。而求安於人。既已失策。復使垂白之母。糟糠之妻。獨居寡處。各天一方。朝思暮望。以日為歲。足下縱不以妻子為念。何忍忘情於老親哉。功名

皇明紀要卷之一

十一

天理人心奉無不順

富貴可以再圖。生身之親不可再得。足下能留意於是。幡然而來。予當棄前非。仍復待以故舊。則足下以天理人心。舉無不順矣。君弼得書。猶豫不能決。

太祖乃歸其母於陳州。君弼感泣。至是王師下山東西。指汴洛。君弼納欵降。命為廣西衛指揮僉事。

楊璟等兵圍永州月餘不下。璟乃分兵遣周

廖永忠招諭何真  
何真率眾保陣

德興張彬取全州。元平章阿思蘭聞王師至。率眾夜遁奔象州。全州民以城降。於是道州寧州桂陽藍山常寧守將皆來降。武崗州守將曾權亦降。廖永忠等率舟師自福州航海趨廣東。先遣人以書至廣州。招諭元分省左丞何真。真廣州東莞人。少英偉。好書劍。元末仕為河源務副使。嶺海檢官。歸鄉里。率眾保陣。至正乙未。

皇明紀要卷之一

十四

公奈何卷處遺忠

四境奴縛主者惟此刑

邑人王成陳仲王構亂。真請于行省。舉義兵除之。擒仲王以歸。成築砦自守。圍之久不下。真募人能縛成者。予鈔十千。於是成奴縛之以出。真咲謂成曰。公奈何養虎遺患。成慚謝。奴求賞。真如數子之。使人具湯鑊。駕諸轉輪車上。成懼以為將烹已也。真乃縛奴于上。促烹之。使數人鳴鼓推車。號於眾曰。四境毋如奴縛主者。罹此刑也。又使數人鳴鉦督奴妻

何真管  
罰有章

何真奉  
表歸附

炊火。奴一號則羣應之。曰：四境有如奴縛主者，視此。於是人服其賞罰，有章以為光武待蒼頭子密，不是過也。競歸之。遂併有循惠二州。嶺表民賴以安。元授以江西分省左丞，或陳符瑞，勸為尉陀計者。如漢之尉陀，自立為王。輒斥絕之。永忠等師至潮州，真遣都事劉克佐上其印章，并籍所部郡縣戶口，兵馬錢糧，奉表歸附。

皇明紀要卷之一

五

夏四月朔，廖永忠等師至東莞。何真率官屬出見，師進次虎頭關。元將盧左丞、張元帥各率所部來降，遂入廣州。時偽叅政邵宗愚據三山寨，殘暴百姓，聞王師入廣，遣人約降而遷延不至。永忠知其詐，乃下令往攻之。二鼓發兵，直抵其寨，詰旦破之，獲宗愚及其黨皆斬于市。馳檄往諭海南海北之郡縣，悉皆歸附。永忠遣人送何真降表詣京師。

保境安民以待  
有德

所謂素  
饒有三

可謂  
府達矣

太祖賜詔褒異，謂其保境安民，以待有德，不勞師旅。先期來歸，其視漢唐名臣竇融、李勣奚讓，特召真乘傳入朝，賜宴，仍賜白金千兩，文綺紗羅綾絹各一百匹，將校各賜有差。諭之曰：天下紛紛，所謂豪傑有三，易亂為治上也。保民達變，識所歸者，次也。負固偷安，流毒生民，身死不悔，斯不足論矣。頃者師臨閩越，卿即輸誠來歸，不煩一旅之力，使兵不血刃，民

皇明紀要卷之一

六

庶安堵，可謂識時達變者矣。授真中奉大夫，江西等處行中書省叅知政事。陸仲亨率師略定英德清遠連州肇慶等處，德慶元守將張鵬程棄城走，廣東悉平。楊璟圍永州，久不下，乃於城外築壘困之。鄧祖勝食盡力窮，仰藥而死。叅政張子賢，猶拒守，指揮胡海三鼓踰城入，執子賢及鄧思誠，遂克其城。璟引兵進攻靖江。

宋將聞  
風遁去

常遇春  
三箭中  
前鋒一

國朝謀  
士  
榮無雙

徐達率諸將進攻河南。傅友德分兵取河南福山寨。元右丞潘莽見降。陵清寨黑山寨守將聞風遁去。獲仙人寨守將牛叅政等。神項寨守將張如圭。以衆降。達等進兵洛水。北塔兒灣。元將詹同脫因怙木兒。率衆迎戰。常遇春單騎執弓衝入其陣。一箭中其前鋒。敵大敗而走。詹同奔陝。餘衆悉降。遂營于河南城北。行省平章阿魯溫請降。乘勝克陝州。直抵

皇明紀要卷之一  
七

潼關。李思齊部將張德欽、薛穆飛拒戰。馮勝擊敗之。遂入潼關。思齊棄輜重。奔入鳳翔。時西州郡皆李思齊張思道所據。○思道即張良弼也。立山東行中書省。調江西行省叅政汪廣洋為山東叅政。以翰林學士陶安為江西叅政。安在翰林。太祖嘗賜以一對曰。國朝謀略無雙士。翰苑文章第一家。

歷艱難  
戰伐以  
際子孫

太祖命  
學士修  
女誠

太祖以山東州郡新附。詔今年夏稅秋糧。盡行蠲免。我太祖命工書古孝行。及身所經歷艱難。起家戰伐之事為圖。以示子孫。謂侍臣曰。朕家本業農。祖父皆長者。世承忠厚。積善餘慶。以及於朕。今圖於此。使後世觀之。知王業艱難也。起居注詹同等頓首曰。

皇明紀要卷之一  
八

陛下昭德垂訓。莫此為切。太祖曰。富貴易驕。艱難易忽。久遠易忘。後世子孫。生長深宮。惟見富貴。習於奢侈。不知祖宗積累之難。故示之以此。使朝夕觀覽。庶有所警也。我太祖命儒臣學士朱升等。脩女誠諭之曰。治天下者。脩身為本。正家為先。始于謹夫婦。后妃

雖母儀天下。不可使預政事。至嬪嬙之屬。不  
過備職事。侍中櫛。若寵之太過。恐驕恣犯分。  
上下失序。歷代宮闈。政由內出。未有不為禍  
本者。夫內嬖惑人。甚於鴆毒。惟明主能察于  
未然。其他鮮不為所惑。卿等為朕述女誠。及  
古賢妃之事。可為法者。示後世。使子孫有所  
持守。

皇明紀要卷之一

九

太祖謂中書省臣曰。古者方物之貢。惟服食器  
用。故無耳目之娛。玩好之失。今蘄州所進竹  
簞。固為用物。但未有命而來獻。若受之。恐天  
下聞風。皆爭進奇巧。則勞民傷財。自此始矣。  
命卻之。仍令四方非朝廷所需。不得妄有所  
獻。

五月大將軍徐達調都督郭興守潼關。先是  
馮勝既拔潼關。請於達曰。潼關三秦門戶。最

元華官  
吏父老  
迎降

二者德  
之大端

為要害。李思齊張思道。日所覬覦。宜擇將益  
兵為戍守。達遂命興統兵守之。  
廖永忠朱亮祖進兵取廣西。攻梧州。元達魯  
花赤拜任。率官吏父老迎降。時元吏部尚書  
普顏帖木兒張翔。以便宐從事。入廣西。行次  
藤州。聞我師至。即欲募兵迎戰。民無應之者。  
既而聞州守吳庸出降。乃率所部走鬱林。亮  
祖勒兵追斬之。於是潯貴州郡。以次降。附亮

皇明紀要卷之一

三

祖分兵克平樂府。

時王禕出為漳州府通判。上疏曰。臣聞自古  
帝王定天下。成大業者。必祈天永命。以為萬  
世無疆之計。所以祈之者。在乎人君修德而  
已。君德既修。則天眷自有不能已者。書曰。皇  
天無親。惟德是輔。此之謂也。人君修德之要  
有二。忠厚以存心。寬大以為政。二者德之大  
端也。是故周家以忠厚開國。故能垂八百年

上天以生物為心

人君視民休戚若己休戚

祈天示命未有越此

之基。漢室以寬大為政。故能立四百年之業。簡冊所載。不可誣也。夫人君莫先於法天道。最急於順人心。上天以生物為心。故春夏以長養之。秋冬以收藏之。皆所以生物也。其間雷霆霜雪。有時而搏擊焉。有時而肅殺焉。然皆暫而不常。向使雷霆霜雪。無時而不有焉。則上天生物之心息矣。臣願

陛下之法天道也。夫民待君以為生。故大君視

皇明紀要卷之一

二十一

民之休戚。必若己之休戚。誠以君民同一體耳。取之有節。則民生遂。今浙西既平。租稅既廣。科歛之當減。猶有可議者。臣願

陛下之順人心也。法天道。順人心。則存於心者。自然忠厚。施於政者。自然廣大。祈天永命之道。未有越此者也。

陛下建國之治。方將立法垂憲。以定一代之典。制度禮文之事。可議者固多。未敢悉數。特舉

王馬之大

國名第一奏疏

帝王為治之大要。冒昧以聞。疏奏。

太祖嘉納之。

陳建曰。此我朝國名臣第一大奏疏。其言精醇。剖抉洞達。理要。雖周召孔孟之告君。無以越此。

六月。楊璟等克靖江路。先是周德興克全州。即分兵立柵。據靖江險要。以絕其聲援。至是引兵屯靖江城下。北關張彬屯南關。合攻之。元平章也兒吉尼督眾堅守。璟遣指揮丘廣

皇明紀要卷之一

二十三

攻奪開口關。遂克其北門月城。及其水隘。斬獲百餘人。復攻其西門不利。相持兩閱月。朱亮祖亦自平樂率師來會。屯於東門象鼻山下。攻之益力。也兒吉尼勢窮蹙。驅兵出南門迎戰。胡海擊敗之。獲其萬戶皮彥高。璟因使彥高陰購其把水元帥張榮。榮麾下裴觀以書射璟營。約降。至二鼓。觀縋城出。見璟。備言儲積空虛。人無鬪志。可立取之。狀。璟乃給白